

I ույս է տեսնում 2009 թ. մայիսից

Հայաստանի Ավետարանի Հավատքի քրիստոնյաներ Ամսա Թեր Թ /Ն, ոյեմբեր, 2010 Թ., N

«....ոչ միայն հայով կապրի մարդ, հապա այն mustu prond, ub Andria perter perit perit Tumpknu 4:4

Անդրադառնում ենք 2010թ. հոկտեմբերի 15-16-ի երիտասարդական համաժողովին

իրելինե՛ր, թե՛ *Մատթ. 4:3 «...ոչ միայն* հացով կ՚ապրի մարդ, հապա այն ամէն խսսքով՝ որ Աստուծոյ բերնէն կ'ելլէ», և թե՛ Ք Oրինաց 8:3 «....Տէրը քեզ խոնարհեցուց, անօթեցուց և մանանայով կերակրեց, զոր ոչ դուն կը ճանչնայիր և ոչ քու հայրերդ, քեզի իմացնելու համար թէ ոչ միայն հացով կ'ապրի մարդ, հապա մարդը Տէրոջը բերնէն ելած ամէն խօսքովը կ'ապրի» խոսքերում կարդում ենք միևնույն կարևոր միտքը, որ մարդը ոչ միայն հացով կապրի, հապա Աստծու բերանից ելած ամեն մի խոսքով։

Աստծու բերանից ելած ամեն մի խոսքը հաց է, և այդ հացր հավիտենական կյանքի համար է։ Տեր Հի-

սուսը, խոսելով ճշմարիտ հավիտենական հացի մասին, հայտնում է այդ հացի խորհուրդը՝ ասելով, որ այդ հացր Ինքն է և Իր Խոսքը. «...Ես եմ կենաց hացր. ան որ ինծի կու գալ, երբէք պիտի չանօթենալ, և ան որ ինծի կր հաւատայ, պիտի չծարաւի» (**Հովհ. 6:35**)։

Աստված Իր Խոսքն ուղարկել է մեզ թե՛ մեր բժշկության, թե՛ մաքրության և թե՛ մեղքի կյանքից ազատագրության, սուրբ կյանք ապրելու, վերջին օրը հարություն առնելու ու հավիտենական կյանք ունենալու համար։ Այսօր այդ խոսքերը կարող են մեր սրտերի մեջ ներգործել և Նրա կամքը կատարել, եթե հավատանք։

Մեզ համար այդ Կենաց Խոսքերը մեծ պարգև ու մեծ գանձ են։ Աստծու ծրագրով է, որ մենք այս օրերի մեջ կարողացել ենք հավաքվել Նրա Կենաց Խոսքերը լսելու համար։

Երկրի վրա մարդկանց փորձելու համար պիտի գան փորձության ժամանակներ։ Փորձության այդ դժվար ժամանակներում Աստծու Խոսքը կպահի բոլոր նրանց, ովքեր կպահեն Նրա համբերության խոսքը. *«Որովհետև իմ համբերութեանս խօսքը* պահեցիր, ես այ քեզ պիտի պահեմ փորձութեան ժամանակ, որ պատրաստ է գալու բոլոր աշխարհի վրայ՝ երկրի երեսը բնակողները փորձելու համար» (\(\frac{4}{u}\)\)\und\(\frac{1}{u}\)\tag{10}:

երիտասարդներ, Աստված ձեզ պատրաստում է Իր Խոսքով, որովհետև այն մեզ տայիս է ուժ, զորություն, կարողություն ու լեցունություն, որպեսզի կարողանանք դիմակայել գալիք բոլոր փորձություններին ու որոգայթներին։ Տիրոջ Խոսքն ունի մեծ ուժ, և ոչ մի ուժ չի կարող նրան հաղթել։

Հովսեփի կողքին չկար ուսուցիչ, չկար քարոզիչ, բայց նրա կողքին էր ամենակարող Աստված, որովհետև գրված է, որ Տերը Հովսեփի հետ էր, քանի որ նա հավատարիմ էր Աստծուն։



Ընտանեկան կյանքում հաջողությունը Տիրոջ Խոսքը պահելու մեջ է։ Եթե ամուսնու և կնոջ համար բարձր է Աստծու Խոսքը, ապա այդ ընտանիքում կլինի Աստծու օրհնու-

թյունը, և երեխաները հնազանդ կլինեն ծնողներին։

Եկե՛ք քննենք մեր անձերը և հասկանանք, թե ինչպես պետք է կարողանանք հնազանդվել Տիրոջ կամքին ու Նրա ճշմարտությանը։

Աստծու ձեռքը չի կարճացել փրկելու համար, Նա սպասում է մեզ։ Բոլորս Նրա ողորմության կարիքն ունենք, դրա համար եկե՛ք մոտենանք շնորհաց աթոոին և ողորմություն գտնենք։ Եկե՛ք չարհամարհենք Տիրոջ ձեռքը, որովհետև միայն Նրա մոտ է հանգստությունը:

> Աստծու և Հիսուս Քրիստոսի ծառա Մամիկոն Ղազարյան

nytetptp, 2010B., N 1 (1

ՈՉ ՄԻԱՅՆ ՀԱՑՈՎ ԿԱՊՐԻ ՄԱՐԴ

Tիրելինե՛ր, Աստված ամեն բան նպատակով է անում։ Աստված մարդուն ստեղծելուց առաջ ուներ նպատակ։ Աստված մարդուն, նաև ինձ ու քեզ Իր համար է ստեղծել։ Նա նպատակ ունի մարդուն շնորհել Իր կյանքր, որպեսզի մարդն իր մեջ կրի աստվածային բնությունը և մեկ լինի Նրա հետ։ Հիսուսն Իր քահանայապետական աղոթքում` **Հովհ.17:21**-ում ասում է. «Որպէս զի ամէնն այ uth him has men and supposed in the point of որպէս զի անոնք ալ մեր մէջ մէկ րլյան...»: Աստծու նպատակը չի փոխվում, Նա մարդ չէ, որ Իր նպատակն ու Իր որոշումը փոխի։ Աստված այդ նպատակն իրականացնեյու համար մարդուն տվել է Իր Խոսքը։ *Մատթ. 4:4*-ում կարդում ենք. «.... Գրուած է թէ ոչ միայն հացով կ'ապրի մարդ, հապա այն ամէն խօսքով՝ որ Աստուծոյ բերնէն կ 'ելլէ»։ Ուստի մարդը պետք է ապրի Աստծու Խոսքով, որպեսզի մեկանա, մեկ լինի Աստծու հետ։

Եթե մարդն Աստծու հետ կենդանի շփում չունի, նա կապրի իր ցանկություններով, քանի որ մեղքի ցանկությունը մարդու կամքից զորավոր է։ Պողոս առաքյալը գրում է. «Քանգի ո՛չ թէ բարին զոր կ՚ուզեմ, կ՚ընեմ, հապա չարը զոր չեմ ուզեր, զայն կ՚ընեմ։ Իսկ եթէ չուզած բանս կ՚ընեմ, ալ ոչ թէ ես կ՚ընեմ զանիկա, հապա մեղքը՝ որ իմ ներսիդիս բնակած է։ Ուստի ես կը գտնեմ օրէնք մը, որ երբ բարին ընելը կամենամ, չարը իմ քովս է։ Վասն զի ներսի մարդուն նայելով՝ Աստուծոյ օրէնքին կը հաւնիմ. բայց ուրիշ օրէնք մը կը տեսնեմ իմ անդամներուս մէջ, որ իմ մտքիս օրէնքին դեմ կը պատերազմի, և զիս գերի կ՚ընէ մեղքի օրէնքին, որ իմ անդամներուս մէջ է» (Հռոմ. 7:19-23)։

Աստծուն միայն Հիսուս մարդն է լիարժեք ծառայում, միայն Նա է ամբողջությամբ մեկ եղել Հոր հետ։ Հիսուս մարդն է մինչև խաչի վերջին տառապանքները հավատարիմ մնացել և ոչ մի վրիպում չի արել։ Նա պիտի ապրի քո մեջ, որպեսզի դու էլ վրիպում չանես։ Ամեն բան Աստծուց է, և Նրանով ենք ապրում այս աշխարհում։ Սատանան արդեն մի քանի հազարամյակներ խաբում է, որ դու ստեղծված ես այս աշխարհի, մեղքի համար։ Քայց Աստված քեզ ստեղծել է Իր Որդու համար, որպեսզի դու Աստծու որդի ու Քրիստոսի հարսը լինես։ Աստծու Խոսքը պետք է հայտնվի քո հոգու աշխարհում, որպեսզի լույս ունենաս։ Խոսքի հայտնությունը լույս է տալիս, այն կլուսավորի քեզ, և դու խորր կհասկանաս, որ ստեղծվել ես Աստծու համար։ Դու, անցնելով հալածանքի ու փորձության միջով ու հոգևոր աճ ունենալով, կհասկանաս ու կհավատաս, որ պատկանում ես Աստծուն։ Նա է այս տիեզերքի Տերը, Թագավորը։ Աստված քեզ հավիտենության համար է ստեղծել։ Սատանան քեզ չի կարողանա խաբել, եթե դու Աստծու Խոսքին հավատաս։ Մենք ունենք հավատքի առաջնորդ, Ով ասում է՝ դու Իմն ես։ Նա գնել է քեզ մեղքի գերությունից և ազատություն է տվել։ Նա ուզում է քեզ օծել Իր հոգով ու Իր մոտ տանել։

Սիրելինե՛ր, Աստված նույն նպատակը ունի բոլորի համար, Նա քեզ չի առանձնացնում քարոզիչներից, մարգարեներից, բայց սատանան ասում է՝ դու շատ խեղճ ես, անտեսված, Նա քեզ չի ընդունի։ «Տէրը բարի և ուղիղ է. անոր համար մեղաւորներուն կր սորվեցնէ ճամբան» (Մադմոս

25:8): «Աստուած կ'ուզէ որ բոլոր մարդիկ փրկուին ու ճչմարտութիւնը ճանչնան» (**U Shúnptnu 2:4**)։ Ավետարանը բոլորի համար է, ոչ թե ինչ-որ մեկի համար։ Աստված կամեցել է, որ դու ծնվես, և այսօր դու կաս. եթե դու հավատաս Աստծու Խոսքին, Նա քո ապագայի հարցն էլ կլուծի։ Աստված մեզ չի ստրկացնում, այլ ապրում է մարդու հետ և Իր փառքն է ցույց տալիս։ Նա մեզ սրբացնում է և նմանեցնում Իր Որդուն։ Մենք Հոր հետ Հիսուսով մեկ ենք։ Նա ամբողջ աշխարհը ստեղծեց մեկ խոսքով, բայց քեզ հետ ապրելու համար մարդացավ։ Աստծու հոգին ուզում է, որ քո ներսր դառնա Աստծու տուն։ Մարմնիդ ցանկություններին հաղթելու համար դու այսօր պետք է նվաճես քո մարմինը։ Եթե որու ապաշխարում ես, մկրտված ես, բարեգործ ես, դա դեռ չի նշանակում, որ մեկացել ես Աստծու հետ։ Մենք պետք է հաղթենք մեր մարմնի ցանկություններին, որպեսզի մեկանանք Աստծու հետ։ Դրա համար պետք է հագնենք հոգևոր հագուստը ու սպառազինվենք. «Ասոր համար ձեր վրայ առէք Աստուծոյ սպառազինութիւնը, որպէս զի կարող ըլլաք չարութեան օրը դէմ դնել, ու ամէն բանը լմնցնելէ ետև՝ հաստատուն կայնիլ։ Ուստի ձեր տեղը կայնեցէք, մէջքերնիդ ճշմարտութեամբ ամուրցնելով, ու արդարութեան գրահր հագնելով. ու ոտքերնուդ հազցնելով խաղաղութեան աւետարանին պատրաստութիւնը. և ամէն բանին վրայ հաւատքին վահանը առէք, որով կարող պիտի ըլյաք չարին ամէն կրակոտ նետերը մարել. և փրկութեան սաղավարտը առէք, ու Հոգիին սուրը՝ որ Աստուծոյ խօսքն է» (**Եփեսացիս 6:13-17**)։

Աստծու հետ մեկանալու համար պետք է ապրենք Աստծու Խոսքով ու երբեք չխարդախենք այն: «Ջանք որե քու անձո ընտիր գուցնել Աստուծոլ առջև, այնպիսի բանուոր մը ըլլալով որ պիտի չամչնայ, ճշմարտութեան խօսքը շիտակ բացատրելով» **(Բ Տիմոթ. 2:15)**։ Երբ մենք Աստծու Խոսքի վրա ինչ-որ բան ենք ավելացնում կամ պակասեցնում, այդ ժամանակ մենք խարդախում ենք այն։ Աստված ասում է՝ զավակս, սա է ճշմարիտ կյանքը, բայց մենք խարդախում ենք Խոսքը, հարմարեցնում մեզ։ Մեր զգացմունքներով Աստծու Խոսքը մեկնում ենք՝ չհասկանալով, որ Աստծու Խոսքը խարդախելը մահացու է։ Ի՞նչն է պատճառը, որ մարդը քսան տարի Սուրբ Գիրք կարդալուց հետո դառնում է հպարտ մարդ և անում է այնպիսի չարություն, որն անհավատր չէր անի։ Եթե դու ընդունել ես Աստծու Խոսքը որպես անխարդախ խոսք, ապա այն կքանդի քո միջի մեղքի բնությունը, սատանայի գործերը։ *«Ո՞վ է* անիկա որ կր խօսի ու անոր խօսքը կատարուի, քանի որ Տէրը հրամայած չէ» (Ողբ Երեմիա 3:37)։ Եթե այսօր մեկր քեզ անարգում է, դու պետք է Տիրոջը հարցնես, թե ի՞նչն է պատճառը, և ոչ թէ գնաս այդ մարդու հետ հարաբերություններդ պարզելու։ Քո նկատմամբ արդար կվարվեն, թե անարդար՝ դա Տերն է թույլ տվել։

Միրե՛ք եղբայրությանը, հարգե՛ք, բայց ձեր կյանքում հեղինակություն պետք է լինի Աստծու Խոսքը։ Թո՛ղ որ այդ Խոսքը մտնի քո ներսը և անշարժ թագավորություն կառուցի։ Հռոմեական կայսրությունը աշխարհի ամենահզոր ու դաժան կայսրությունն է եղել, բայց Հիսուսի երկու աշակերտները՝ Պետրոսը և Պողոսը, անշարժ թագավորությունն իրենց ներսում առած, գնացին և շարժեցին Հռոմեական

կայսրությունը։ Գնացե՛ք Հիսուսի հետևից, Նրա Խոսքո՛վ ապրեք նեղության, փորձության ժամանակ, և այդ Խոսքը ձեզ կյանք կտա։ Եթե Տիրոջ մի խոսքն ամուր բռնես, այն քո մեջ կաճի և կազատի քեզ կուռքերից, մեղքից։ Եթե դու Աստծու Խոսքը որպես գիր ես հասկանում, այն կվնասի թե՛ քեզ, թե՛ քո շրջապատին, բայց երբ հոգի ես հասկանում՝ Այն կյանք է տալիս։ Հոգևոր մարդու համար թե՛ հացր, թե՛ ջուրը Աստծու Խոսքն է, որը նրա հոգին է կշտացնում և զորացնում է: «Ես քու խօսքերդ գտածիս պէս՝ զանոնք կերայ, եւ քու խօսքդ իմ սրտիս ցնծութիւն և ուրախութիւն եղաւ. վասն գի քու անունդ իմ վրաս կոչուած է, Ով գորաց Տէր Աստուած» (**Երեմիա 15:16**)։ Եթե հավատացյալն Աստծու Խոսքը որպես ամենօրյա հաց չուտի, ստության հացր կուտի. «Ստութեան հացր մարդուն ախորժելի է.

բայց ետքը անոր բերանը խիճով պիտի լեցուի» (**Առակաց** 20:17): «Քանզի անոնք ամբարշտութեան հացը կ՚ուտեն, ու անիրաւութեան գինին կր խմեն» (**Առակաց 4:17**)։

Ուրեմն անհրաժեշտ է, որ մենք ամեն բանից առավել սիրենք Աստծու Խոսքը, կարդանք Սուրբ Գիրքը ամեն օր, որպեսզի Աստծու Խոսքով ապրելով աճենք մինչև վերջնական փրկություն։ «Ուրեմն մէկդի ձգելով ամէն չարութիւնը ու ամէն խաբէութիւնը ու կեղծաւորութիւնները, և նախանձր ու ամէն չարախօսութիւնը, նորածին մանուկներու պէս բանական ու անխարդախ կաթին փափաքեցէք, որպէս զի անով մեծնաք մինչև փրկութիւն (**Ա Պետրոս 2:1-2**)։ Ամեն։

> Պավել Գրիգորյան ավագ հովիվ

ՔՐԻՍՏՈՍԻ ԽՈՐՀՐԴԻ ՄԱՍԻՆ

«Աղօթք ըրէք նաև մեզի համար, որպէս զի Աստուած խօսքին դուռը բանայ մեզի Քրիստոսին խորհուրդը խօսելու, որու համար կապուած ալ եմ»:

Կողոսացիս 4:3

🕇 ստծու Խոսքի դուռը բացվելը կամ չբացվելը կապ-₊ված է Քրիստոսի խորհրդի հետ։ Եթե որևէ մեկի սրտում Աստծու Խոսքն աճել է, արժեք ունի, խոսքի հայտնություն է տեղի ունեցել, ապա այս ամբողջ պրոցեսի վերջնական նպատակը բերում է Քրիստոսի խորհուրդը բացվելուն։ Պողոս առաքյալի ներսում անհանգստություն կար. արդյոք Քրիստոսի խորհուրդը կհայտնվի՞ իր քարոզը լսողներին, թե՞ ոչ։ Աստծու Խոսքից մեզ հայտնի է, որ Աստված սեր է։ Սակայն շատ հաճախ առօրյա կյանքում մենք դժվարանում ենք տեսնել այդ սերը և հավատալ դրան, քանի որ մեր կյանքում բացակայում է Աստծու սիրո հայտնությունը։

ես Աստծու Խոսքը լսել եմ 1968թ., սակայն առաջին անգամ Տիրոջ հետ հոգևոր լուրջ հանդիպում և արքնություն ունեցել եմ 1973 թ. օգոստոսի 20-ին։ Այդ 5 տարիներն ինձ համար եղել են տանջանքի ու տառապանքի տարիներ, քանի որ ինձ համար անհայտ էր Աստծու սերը։ *«Քայց զայս կը* զրուցեմ, որչափ ժամանակ որ ժառանգը տղալ է, ծառայէ տարբերութիւն մը չունի, թէև ամէնուն տերն է» (Գաղ. 4:1)։ Երբ մարդը Քրիստոսի խորհրդից տեղյակ չէ, նա հոգևոր մանուկ է և միայն Քրիստոս-կյանքի հայտնությունից հետո է աճում ու դառնում հոգևոր այր։

Աստծու Խոսքից մենք գիտենք, որ կան պատվիրաններ, կա Մովսեսի օրենք և կա Հիսուս Քրիստոսի կողմից խստացված օրենք՝ «մի՛ սպանիր», և՝ «եթե եղբորդ սրտիդ մեջ ատեցիր, ուրեմն մարդասպան ես»։ Եվ մենք, գալով հավատքի՝ հասկանում ենք, որ եթե քրիստոնյա ենք, ուրեմն այս բոլոր օրենքները մեր գործնական կյանքում պետք է պահենք։ Քայց կյանքը ցույց է տալիս, որ մենք միշտ պարտվում ենք` չնայած օրենքները պահելու մեր մեծ ցանկությանը։ Սկզբում մեր նպատակն ու հոգևոր կյանքի առանցքը համարում ենք այդ օրենքը պահելը, փորձում ենք մեր ուժերով պահել այն և հանդիպում ենք բազում պարտությունների։ Ի վերջո, հասկանալով, որ սեփական ուժերով անհնար է պահել Աստծու օրենքը, դիմում ենք Աստծուն՝ Նրանից խնդրելով ուժ, զորություն, որպեսզի հաղթենք մեր մեջ եղած նախանձին, չարությանը և, վերջապես, կատարենք օրենքի բոլոր կետերը։ Նման դժվարին պահերին սատանան մեր ականջին փսփսում է, որ եթե Աստված

սեր է, ապա ինչո՞ւ մեզ ձեռք չի մեկնում, մի՞թե Նա չի տեսնում մեր տանջանքն ու տառապանքը։ Մենք ինքներս էլ շատ հաճախ կարող ենք խոստովանել, որ շուրթերով ասում ենք՝ Աստված սեր է, բայց մեր հոգու աշխարհում նույնպես դժգոհում ենք Աստծու «անտարբերությունից», կասկածում ենք Նրա սիրուն։ Եվ քանի որ Աստծու սիրո հայտնությունը բացակայում է մեր կյանքում, մենք, չհասկանալով Ավետարանի էությունը, ինքներս հնարում ենք մեր օրենքներն ու ծրագրերը և մեր հասկացած ավետարանը վերագրում Աստծուն։ Այդպիսի պարզ օրինակ տեսնում ենք ասորի Նեեմանի կյանքում (*Դ Թագ. 5-րդ գլ.*)։ Նեեմանը ցանկանում էր բժշկվել և ուներ իր պատկերացումը, թե Աստված ինչպես պետք է բժշկեր իրեն։ Նրա պատկերացրածը, սակայն, Աստծու կամքի և ծրագրի հետ ոչ մի կապ չուներ։ Մենք ևս նույն բանն ենք անում։ Փոխանակ մեր միակ փափագը լինի մեր կյանքում Քրիստոսի խորհրդի հայտնությունը, և փոխանակ Աստծու ծրագրին ենթարկվենը՝ ենթադրում ենք, որ Աստծու ծրագիրը պետք է լինի այնպես, ինչպես մենք ենք պատկերացնում։ Սակայն փա՛ռք Աստծուն, որ Նա, լինելով սեր, այնքան է սպասում, մինչև մենք հրաժարվում ենք Իր ծրագրի նկատմամբ մեր ունեցած պատկերացումներից:

Եվ երբ մարդը դեռ գտնվում է նման ծանր հոգեկան շրջապտուլտի մեջ՝ Աստված ուղարկում է Իր Խոսքը. «Վասն զի Աստուած այնպէս սիրեց աշխարհը, մինչև Իր միածին Որդին տուավ, որպէս զի ամէն ով որ Անոր հաւատայ՝ չկորսուի, հապա յաւիտենական կեանք ունենայ» (**Հովհ.** 3:16)։ Եվ հանկարծ լինում է երկնային խոսքի հայտնություն, և մեզ համար պարզ ու հասկանալի է դառնում, որ մենք մեղքին հաղթելու համար Աստծուց ոչ թե ուժ, զորություն պետք է խնդրենք, այլ պետք է խնդրենք Նրա Որդու 🗲 կյանքը, Ում Աստված ուղարկեց աշխարհ՝ սիրելով մեզ։ *Ղուկաս 9:51-56*-ում կարդում ենք, որ Հիսուսն աշակերտներին զորություն տվեց հիվանդներին բժշկելու և դևեր հանելու համար։ Սակայն, երբ սամարացիները նրանց մերժեցին ու չընդունեցին, նրանք Տիրոջը խնդրեցին երկնքից կրակ իջեցնել և սպանել բոլորին։ Հիսուսը նրանց հանդիմանելով պատասխանեց, որ թեև նրանք բժշկելու և հրաշքներ գործելու զորություն ունեն, բայց նրանց հոգիներում Քրիստոսկյանքի խորհուրդը բացված չէ։ Եվ այստեղ է, որ լինում է Քրիստոս-կյանքի հայտնությունը. «Քանզի Քրիստոս Յիսուսով կեանքի հոգիին օրէնքը զիս ազատեց մեղքի և մահուան օրէնքէն» (Հռովմ. 8:2)։

Քանի որ մենք Աստծուն լավ չենք ճանաչում, մեզ թվում է, թե մեզ մեղքից ու մահվան օրենքից ազատողը Աստծու զորությունն է։ Շատ հետաքրքիր է, որ թեև Հիսուսը գիտեր սամարացի կնոջ վարքի մասին, սակայն նրա հետ խոսելիս (Հովհ. 4) նպատակ ուներ նրան տալ Կենաց ջուրը։ Քրիստոսն ուզում է ոչ միայն սամարացի կնոջ, այլև մեզ համար բացել մարդկության հանդեպ Իր սերն ու Իր աշխարհ գալու նպատակը։ Երբ մարդու կլանքում լինում է Քրիստոսի խորհրդի հայտնությունը, նա հասկանում է, որ Աստծու սերն արտահայտվում է նրանով, որ որպես Կյանք Իր Որդուն է տալիս մեզ։ Եվ երբ մեզ թվում էր, թե մեղքի բոլոր կետերին հաղթելուց հետո այլևս ոչ մի պրոբլեմ չի լինի և ամեն բան կընկնի իր տեղը՝ շատ էինք սխալվում, որովհետև մեր հոգու աշխարհում ամենալուրջ պրոբլեմը ոչ թե ցուցակների, այլ աստվածային կյանքը ունենալու կամ չունենալու հարցն է։ Երբ մեր կյանքում կատարվում է Աստծու սիրո հայտնությունը՝ մեր մեջ առաջանում է հավատք, որ Աստծու սերը չի փոխվում՝ անկախ մեր բոլոր պարտություններից, և ամեն խնդրողին Աստված տալիս է Կենաց ջուրը։ Եվ երբ մենք այդ ամենը հասկանում ենք, մենք Աստծուց ոչ թե ցուցակները պահելու համար զորություն և ուժ ենք խնդրում, այլ մեր սիրտն ենք բաց անում Նրա մեծ սիրո առջև, որ Իր Որդուն նվեր է տալիս, որպեսզի Որդին ներս մտնի և լինի մեր Կյանքը։ Սա շատ մեծ ու պատվական խոստում է, և թո՛ղ Աստված մեզ օգնական լինի՝ հավատալու Իր մեծամեծ ու պատվական խոստումին։ Փախչե՜նք այս աշխարհի ապականությունից և աստվածային բնությանը հաղորդ լինենք։

Սիրելինե՛ր, եկեղեցին երբեք էլ դեմ չի եղել զորությանը, թո՛ղ Աստված օրհնի, որ ինչքան հնարավոր է շատ լինեն հրաշքներ, նշաններ, զորություններ։ Քայց մենք Աստծու զորությունը պետք է տարբերենք աստվածային կյանքից։ Ջորությունն իր դերը ունի հոգևոր կյանքում, բայց միայն զորություններով առաջնորդվող մարդկանց երբեք չի հայտնվի Քրիստոսի խորհուրդը, Աստված վերջին օրը պիտի մերժի նրանց։

Երբ Քրիստոսի խորհուրդը բացվում է մեզ, մենք հասկանում ենք, որ Աստված գիտի, որ մենք մեղքի գերի ենք, ու տեսնում է մեր սրտի ցանկությունը:

Մի անգամ ես զրուցում էի մի 25-ամյա աղջկա հետ, ով գտնվում էր հուսահատության մեջ ու կանգնած էր ինքնասպանության շեմին։ Երբ մենք զրուցում էինք, նա պատմում էր իր գործած արարքների, մեղքերի մասին ու դառնապես լալիս էր։ Երկար խոսելուց հետո, երբ նա մի փոքր հանդարտվեց և սպասում էր իմ պատասխանին, ես նրան ասացի. «Չէի պատկերացնում, որ դուք կարող եք այդքան սուտ խոսել»։ Քույրիկը զարմացավ ու պատասխանեց, որ ինքը սուտ չի խոսում։ Իսկ ես նրան ասացի. «Դուք նման բաներ չեք արել»։ Նա պատասխանեց. «Ես մտածում էի, որ կարող

եմ խենթանալ, բայց, Հրա՛յր եղբայր, երևի դուք կարծում եք, որ ես արդեն խենթացել եմ ու երևի մտածում եք, որ այդ բոլորը ես տեսել եմ երազում, կամ էլ հորինել եմ»։ Իսկ ես ասացի, որ կա ևս մեկ տարբերակ, որ՝ «դու, քույրիկ, չես հավատում Աստծու Խոսքին»։ Աստծու Խոսքն ասում է, որ եթե մենք զղջում ենք, ներողություն ենք խնդրում, գալիս ենք Տիրոջ առաջ, Աստված մեր մեղքերը ոչ միայն ներում, այլև ջնջում է։ Եվ ես հարցրի այդ քույրիկին, թե արդյո՞ք ինքը հավատում է այս խոսքին, իր մեղքերը ներվա՞ծ են, թե՞ ոչ։ Դավիթը, լինելով Հին Ուխտի մարդ, այս ամենը հասկանում էր։ Սուրբ Գիրքը մեզ ասում է, որ ինչքան արևելքը արևմուտքից հեռու է, այնքան Աստված մեր զղջումից հետո մեզնից հեռացնում է մեր մեղքերը, եղածր չեղած է համարում։ Եթե մեր մեղքերը նկարեն տեսախցիկով ու ներկայացնեն աշխարհային դատարանին, միգուցե մեզ մեղադրեն, բայց երկնային դատարանի առջև այն անզոր է, որովհետև Աստված Իր Որդու արյունով ջնջում է մեր մեղքերը։ Եթե նույնիսկ սատանան հիշեցնի մեզ մեր մեղքերը, մենք պետք է հավատքով մերժենք այդ մտքերը և ընդունենք միակ ճշմարտությունը՝ Աստծու Խոսքը, իսկ այն ամենը, ինչը հակառակ է Աստծու Խոսքին՝ սուտ է։

Եվ երբ քույրիկը հավատքով ընդունեց այս ճշմարտությունը, լցվեց անպատմելի ուրախությամբ։ Տեսնելով նրա հավատքը՝ ես կարծես մի պահ նախանձախնդիր եղա, որ նա ինձնից շատ հավատաց։ Աստծու Խոսքի պարզ հայտնությունով նա հավատաց, որ իր կյանքում նման բան չի եղել, և գտավ հոգու բժշկություն։

Սիրելինե՛ր, մեր հավատքի կյանքի այն ժամանակահատվածում, երբ մենք տառապում ենք, տանջվում ենք, զորություն ենք խնդրում Աստծուց՝ Նա, Իր սիրուց ելնելով, մեզ չի տալիս մեր խնդրածը, որովհետև եթե տա այդ զորությունը, և այդ զորությամբ մենք հաղթենք, հետո այդ ամենը մենք մեզ կվերագրենք։ Աստված ժամանակ առ ժամանակ ողորմություն է անում՝ մի փոքր մեղմացնելով մեր վիճակը, բայց վերջիվերջո մենք նորից ընկնում ենք պարտությունների մեջ, մինչև որոշված ժամանակը գա և մեր մեջ լինի Խոսքի հայտնությունը։ Ու երբ մենք հավատքով ընդունում ենք Որդուն, աստվածային բնությունը լցվում է մեր սրտի մեջ, և այդ կյանքը, որ Որդու մեջ է, հաղթում է մեղքին ու մահին։ Սա Աստծու Խոսքի և Շնորիքի հայտնությունն է։

Սիրելի՛ ընթերցող, եթե դու դեռ չես եկել Աստծուն ու չես ճաշակել Աստծու սերը, հիշի՛ր. որքան էլ դու մեղավոր լինես, Աստված քեզ սիրում է ու քո կորուստը չի ուզում։ Նա ուզում է, որ դու դառնաս Իրեն, ապաշխարես ու կյանք ունենաս։ Հիշի՛ր, որ Աստծու Խոսքն ասում է. «Եթե մինչև երկրի ծայրերը շպրտված լինես և հոն քո ամբողջ սրտով, քո ամբողջ հոգով Աստված փնտրես՝ պիտի գտնես»։

Հավատա՜, որ երբ Հիսուսը հանդիպի քեզ, ոչ թե քո դատն է անելու, այլ՝ քո մեջ բնակվող մեղքի։ Եվ փա՜ռք Աստծուն, որ Հիսուսն այսօր դեռ ոչ թե մեր դատավորն է, այլ մեր բժիշկը։

> Հրայր Ամիրբեկյան քարոզիչ

Zwjwumwsh UZP bhbhbgni dnswywhnipjws opbpp

Հայաստանի ԱՀՔ եկեղեցու խորհուրդը հայտարարում է ծոմապահության օրեր՝ **դեկտեմբերի 3, 4, 5, 24, 25, 26**:

Ծոմապահության նպատակը մեր անձերի և ընտանիքների, եկեղեցու արթնությունն է:

, 2010 P. N 1 1 (1

ONUUNUENIPOSUV YUPBYNPNIPOSNIVC

ZUUUSUSSULA USUUAAAFU

Րոլոր ժամանակներում Աստծու մարդիկ ծոմ են պահել։ Ծոմը մարմինը զրկելու ճանապարհով մարմնավորը կոտրելու ու անձը խոնարհեցնելու միջոց է։ Ծոմապահության առիթները կարող են տարբեր լինել՝ հոգևոր կյանքի արթնության, անձնական կյանքում ունեցած նեղությունների, ազգին սպառնացող վտանգի, կարևոր որոշումներ կայացնելու ու այլ դեպքերում։

Դպիրները և փարիսեցիները շատ ժամանակ ծոմի միջոցով խոնարհեցնելու փոխարեն կեղծավորների նման փորձում էին ցուցադրել ու բարձրացնել իրենց անձերը. «Ու երբ ծոմ կը պահէք, կեղծաւորներուն պէս տրտումերես մի ըլլաք. քանզի իրենց երեսները կ'աւրեն որպէս զի մարդոց երևնան թէ ծոմ կը պահեն. Ճշմարիտ կ'ըսեմ ձեզի, անոնք իրենց վարձքը առած կ'րլյան» (Մատթ. 6:16):

Ծոմապահության աղոթքը վերաբերում է բոլորին՝ փոքրերին, մեծերին, երկրի բոլոր բնակիչներին, Տիրոջ պաշտոնը կատարող քահանաներին։ Հովելի մարգարեությունում նկարագրվում է, թե ինչպես հրեաների վրա զորավոր և անթիվ ազգ ելավ ու ավերեց երկիրը. արտերից բերքը վերացավ, և մարդկանց որդիների ուրախությունը կտրվեց։ Այդ պատճառով Տերը բոլորին՝ ծերերին ու երկրի բոլոր բնակիչներին հրավիրում է ողբալու, սգալու և Տիրոջը աղաղակելու համար ծոմապահության օր որոշեցւէք, հանդիսաւոր ժողով քարոգեցէք. ծերերը ու երկրին բոլոր բնակիչները ձեր Տէր Աստուծոյն տունը ժողվեցէք, ու Տէրոջը աղաղակեցէք» (Հովել 1:14)։ «Տէրոջը պաշտօնը կատարող քահանաները սրահին ու սեղանին մէջտեղ թող լան, ու ըսեն, Ով Տէր, քու ժողովուրդիդ իսնայէ, եւ քու ժառանգութիւնդ նախատինքի մի տար, որ ազգերը անոնց վրայ տիրեն...» (Հովել 2:17)։

Ծոմը վերցնում են տարբեր նպատակների համար։

Աստծու առջև խոնարհվելու համար։

Մովսեսը քառասուն օր ծոմ պահեց, խոնարհվեց Ասոծու առջև ու ստացավ տասը պատվիրանները։ «Եւ անիկա հոն կեցաւ Տէրոջը հետ քառասուն օր ու քառասուն գիշեր. ո՛չ հաց կերաւ, ոչ ալ ջուր խմեց. եւ տախտակներուն վրայ ուխտին խսսքերը գրեց, այսինքն տասը պատուիրանքները» (Ելից 34:28)։

Աքաաբը թեպետ Աստծու առջև շատ չարություն էր արել՝ կուռքերի ետևից գնալով, բայց երբ Աստծու առջև ծոմ պահեւով խոնարհություն արեց, «Եւ Աքաաբ... իր հանդերձները պատռեց, ու մարմնին վրայէն քուրձ հագաւ, ու ծոմ պահեց. և քուրձով կը պառկէր, ու կամաց կը քալէր» (Գ Թագ.21:27), Աստված ասաց Եղիային. «Կը տեսնե՞ս, որ Աքաաբ իմ առջեւս խոնարհութիւն կ՝ընե. անոր իմ առջեւս խոնարհութիւն ընելուն համար, անոր օրերուն մէջ այն չարիքը պիտի չբերեմ....»:

Ազգին սպառնացող վտանգի դեպքում։

Եսթեր թագուհու ժամանակ ամբողջ հրեա ժողովրդին մեծ վտանգ էր սպասվում, այն է՝ հրեաներին պետք կոտորեին։ Բոլոր հրեաները՝ մեծ թե փոքր, կին թե տղամարդ, ծոմ պահեցին՝ Աստծուն խնդրելու այդ մեծ վտանգից ազատվելու համար։ «Ու Եսթեր ըսաւ որ Մուրթքէի այսպէս պատասխան տանին. Գնա դուն Շուշանի մէջ եղող բոլոր հրեաները ժողվէ. ու ինծի համար ծոմ պահեցէք, գիշեր ցորեկ երեք օր մի ուտէք ու մի խմէջ. նոյնպէս ալ ես իմ աղախիններովս ծոմ կը պահեմ, ու այնպէս թագաւորին առջեւ կ'ելլեմ…» (Եսթեր 4:15-16)։ Աստված լսեց նրանց խնդրանքը և հրեա ժողովրդին ազատեց համընդհանուր կոտորածից։

Հովսափատ թագավորը բոլոր հրեաներին հրավիրեց ծոմապահության և Աստծու երեսը խնդրելու: «Երբ Մովաբի ու Ամմոնի որդիները Յովսափատի վրայ պատերազմելու եկան, Յովսափատ թագավորը վախեցաւ, ու Տէրը փնտոելու ետեւէ եղավ. եւ բոլոր Յուդայի մէջ ծոմապահութիւն քարոզեց։ Ու Յուդայեանք ժողվուեցան, որպէս զի Տէրոջմէ օգնութիւն խնդրեն. ու Յուդայի բոլոր քաղաքներէն ալ Տէրը խնդրելու եկան» (**Բ Մնաց. 20:1-4**)։ Տերը լսեց նրանց խնդրանքը և ազատեց թշնամիների սպառնալիքից։

Մեղքի պատճառով կրած անարգության համար։

Երբ Նեեմիան գերությունից ազատվածների մասին լսեց, որ նրանք մեծ նեղության ու անարգության մեջ են, «.....նստա լացի մի քանի օր սուգ բռնեցի եւ ծոմ պահելով Երկնքի Աստծուն առջեւ աղոթք ըրի» (Նէեմիա 1:3,4)։ «Եւ այս ամսուն քսանըչորսերորդ օրը Իսրայէլի որդիները ծոմով, քուր-ձերով ու վրանին հող ցանած մէկտեղ ժողովուեցան» (Նէե-միա 9:1)։ Իսրայելի որդիները ծոմով, քուրձով բոլոր օտարազգիներից զատվեցին, իրենց մեղքն ու իրենց անօրենությունը խոստովանեցին։

Նեղության կամ հիվանդության ժամանակ։

Դավիթ թագավորն իր երեխայի համար ծոմ պահեց. «Եւ Դաւիթ մանուկին համար Աստուծոյ աղաչեց. ու Դաւիթ ծոմ պահեց ու գնաց բոլոր գիշերը գետնի վրայ պառկեցաւ» (Ք Թագ. 12:16)։ Դավիթ թագավորը ծոմ էր պահում նաև ուրիշների համար։ «Քայց ես անոնց հիւանդութեան ատեն քուրծ կը հագնէի, իմ անձս ծոմով կը չարչարեի, ու իմ աղոթքս իմ ծոգս պիտի դառնալ» (Սադմոս 35:13)։

Նոր Կտակարանում մշտապես առիթներ էին լինում ծոմապահության համար։

Աննա մարգարեն. «Եւ որբեւարի էր գրեթէ ութսունըչորս տարուան, որ տաճարէն չէր զատուեր. հապա ծոմով և աղօթքով Աստուծոյ ծառայութիւն կ՚ընէր գիշեր ու ցերեկ» (Ղուկ. 2:37)։

Պողոս առաքյալը` միսիոներական ճամփորդությունից առաջ. «Ու երբ ասոնք Տէրոջը պաշտօնին մէջ էին, եւ ծոմ կը պահէին, Հոգին Սուրբ ըսաւ, զատեցէք ինծի Բառնաբասը եւ Սօղոսը այն գործին համար, որու ես կանչեր եմ ատոնք» (Գործք 13:2,3)։ Նա մշտապես գտնվում էր ծոմապահության մեջ. «Ջանքի ու աշխատանքի մէջ, շատ անգամ քնահատութեան մէջ, անօթութեան ու ծարաւութեան մէջ, շատ անգամ ծոմ կենալու մէջ, ցուրտի ու մերկութեան մէջ էի….» (Բ Կորնթ. 11:27)։

Հիսուսն ինքն էլ ծոմ պահեց փորձության ժամանակ. «Այն ատեն Յիսուս անապատը տարուեցաւ Սուրբ Հոգիէն, որպէս զի Սատանայէ փորձուի։ Եւ քառասուն ցորեկ ու քառասուն գիշեր ծոմ պահելեն ետքը անօթեցաւ» (Մատթ. 4:1-2)։

Իհարկե, ծոմապահության ուրիշ առիթներ էլ կան, բայց գլխավորն այն է, որ մենք հասկանանք, թե որքան կարևոր է ծոմը հավատացյալի կյանքում։ Եկե՛ք մենք նույնպես հետևենք Պողոս առաքյալի օրինակին ու մշտապես ծոմով աղոթենք մեր անձերի, մեր բարեկամների, մեր ժողովրդի ու մեր ազգի համար։ Իմ հայրը շաբաթվա մի քանի օրերը ծումով ու աղոթքով Տիրոջը խնդրել է մեր ընտանիքի ապաշխարության համար։ Իվան Անտոնովիչ Լևչուկ եղբայրն ինձ պատմել է, որ իրենք ընտանիքով հերթականությամբ ծոմով ու աղոթքով իրենց իարազատների համար խնդրել են, որ Տերը ապաշխարություն տա։ Այսօր նրանք բոլորը հավատքի մեջ են։ Շատ վկայություններ կան ծոմապահության աղոթքի մեծ արդյունքի վերաբերյալ։

Ամենամեծ օրինությունը, Տիրոջ մոտիկությունը ու Սբ. Հոգու լեցունությունը եղել է, երբ ծոմի ու աղոթքի մեջ եմ եղել։ Ուստի բոլոր մեր եղբայրներին ու քույրերին հորդորում ենք հաճախակի ծոմապահության աղոթքներով Տիրոջը խնդրել եկեղեցու արթնության, մեր բարեկամների ու մեր ազգի ապաշխարության համար։

Աստծու և Հիսուս Քրիստոսի ծառա Մամիկոն Ղազարյան

JESEP. 2010B. N 1 1 (17)

50-PA WSP PUUSUPUSULP UUUSN FROSN FUL

🗲 այրս հանցավոր աշխարհում օրենքով գող էր, և 🖴 ես, մանկուց շփվելով հանցավոր աշխարհի անվանի մարդկանց հետ, շատ վաղ բանտ ընկա։ Օրենքի համաձայն՝ եթե տասնչորս տարեկան երեխան ծանր հանցագործություն էր կատարում, դատապարտում էին տասը տարի ազատազրկման։ Բայց քանի որ իմ տասնչորս տարեկանը դեռ չէր լրացել, իսկ իմ կատարած հանցագործությունը սարսափելի էր, երկար ժամկետով դատապարտել կարողանալու համար հանձնաժողովը և փակ դատը 1975թ. ինձ զրկեցին դեռահասությունից։ Ինձնից բարձր դասարանցին ինձնից և ընկերոջիցս 22 կոպեկ էր խլել, և ես գողացված կարճափող հրացանով գնդակահարեցի նրա համարյա բոլոր դասարանցիներին։ Հորս՝ որպես ընտանիքի գլխի, իմ հանցագործության համար դատապարտեցին ութ տարվա ազատազրկման՝ հատուկ ռեժիմով։ Նա ամբողջ կյանքն անցկացրեց բանտում։ Արդյունքում ես նույնպես մեծացա բանտերում ու ճամբարներում, բանտր դարձել էր իմ տունը։ Ազատազրկման ժամկետը վերջանալուց հետո ինձ ազատ արձակեցին, բայց ես նորից հանցագործություն կատարեցի։ 1970թ.-ից մինչ օրս ես համարյա 30 տարի է, ինչ բանտում եմ։ Քանտերում ու ճամբարներում իմ կենսակերպը, իմ կարծիքով՝ կանոնավոր էր, և ոչ թե ես էի պատկանում հանցավոր աշխարհին, այլ այն՝ ինձ։ Կարելի է ասել՝ ինչի որ ձգտում էի, հասնում էի։ Բայց նպատակներիս հասնելով հասկացա, որ իմ հոգում դատարկություն է։

1991թ. հունվարին ինձ ազատ արձակեցին, իսկ նույն տարվա փետրվարին նորից ձերբակալեցին։ Դատարանի վճիռը պատժի խստագույն չափն էր։ 1994թ. պատիժը փոխարինվեց ցմահ բանտարկությամբ։ Ինձ կականավորական հանգրվան տվեցին Վոլոգդա քաղաքում, 5-րդ «Օգնենի» կղզում։ Ադմինիստրացիան բանտարկյալներին երկու-երկու տեղաբաշխեց խցերում, որովհետև այդպես միմյանց հետ ընդհարվելը և հաշիվ մաքրելը գրեթե անհնար կլիներ։

Ես ամենաշատն էի խախտում կարգուկանոնը, և ադմինիստրացիան ուղղակի չգիտեր ինչպես վարվել ինձ հետ։ Այս ամենին գումարած՝ 2001թ. ես բանտից փախա։ Ինձ բռնեցին, ու 2001թ. դեկտեմբերի 6-ին դատարանը իմ ցմահ դատավճռին ավելացրեց ևս 6 տարի հատուկ խիստ ռեժիմ։ Ես չարացած էի բոլորի, նույնիսկ իմ հանդեպ։ Ուզում էի բոլորին սպանել ու վառել։ Եվ գնալով չարությունն ավելի էր տիրում իմ սրտին։ Մի անգամ բանտախցի իմ հարևանն ասաց. «Գրի՛ր «Վեչնի Ջով» թերթին, և քեզ հետ նույնպես նամակագրական կապ կհաստատեն, ինչպես ինձ հետ հաստատեցին»։ Ես հետաքրքրության համար գրեցի թերթին։ Մեկ ամիս անց ստացա մի նամակ, հետո՝ մյուսը։ Նամակներից մեկը Մանկտ-Պետերբուրգից էր, ինձ գրել էր Լոգինովների ընտանիքը, նրանք չորս երեխա ունեին։ Գրել էին թե՛ իրենց, և թե՛ Աստծու մասին, գրել էին մի վկայություն, թե ինչպես մահվան դատապարտված մի հոգի զղջաց Աստծու առջև, և Աստված ներեց նրան։ Հետո Տերը նրան տվեց ընտանիք ու երեխաներ։ Քայց Աստծու մասին խոսքերն ինձ նյարդայնացնում էին։ Ես հիշեցի, որ երբ նստած էի Սամարա քաղաքի բանտում, իսկ խցում հարյուր հոգի էին, մեզ մոտ եկավ քահանան՝ հայր Վասիլին ու փորձեց ինձ հետ խոսել Աստծու մասին։ Քայց ես նրան կոպտեցի և ասացի. «Հեռո՛ւ գնա ինձնից, քանի դեռ ինքս քո մեղքերին թողություն չեմ տվել»։

Լոգինովներից եկած նամակներից մեկում նրանց նկարներն էին՝ երեխաների հետ, կար մի փոքրիկ նամակ ևս։ Այն ինձ էր ուղարկել փոքրիկ Պոլինոչկան. «Մեր թանկագի՛ն եղբայր Մերյոժա, մենք բոլորս քեզ շատ սիրում ենք, և ես Աստծուն աղոթում եմ քեզ համար։ Ես քեզ սիրում եմ։ Քո քույր՝ Պոլինա»։

Ես նայեցի ինձ՝ բանտարկյալ կրկնահանցագործիս. անհավանական է, որ այդ փոքրիկ աղջնակը գրում է ինձ։ Նա հրեշտակ է։ Նա չգիտի, թե ինչ է չարությունը, նա սիրում է ինձ և աղոթում է ինձ համար։ Այդ հասկանալը իմ ուժերից վեր էր և անտանելի էր ինձ համար։ 6-րդ բաժնի աշխատողներն ինձ այնքան էին ծեծել, որ կոտրել էին ոսկորներս, ես խոխում էի՝ արյունից խեղդվելով, բայց նրանք ինձ չկարողացան կոտրել։ Իսկ այս սիրո արտահայտությանը չէի դիմանում, կարծես ամբողջ դժոխքը և սանդարամետականները քաշում էին ինձ ու ջանում էին պատառոտել, միայն թե այդ մաքուր ու սուրբ սերը չհաղթեր ինձ։ Ես բարձրաձայն հեկեկում էի, արցունքները հորդում էին աչքերիցս։ Վեր թռա տեղիցս, բռնեցի պատուհանի վանդակաճաղերից և սկսեցի գոռալ ամբողջ ուժով. ուզում էի, որ ձայնս հասներ երկինք՝ Աստծուն. «Աստվա՛ծ իմ, ես գիտեմ, որ Դու կաս... խնդրո՛ւմ եմ Քեզ, ներիր ինձ՝ ոչնչությանս։ Ների՛ր ինձ իմ անհաշիվ մեղքերի ու հանցագործությունների համար։ Ես այլևս չեմ ուզում այսպես ապրել։ Ես ատում եմ ինձ։ Մաքրի՛ր ինձ, խնդրո՜ւմ եմ»։ Իմ ձայնը լսելով՝ վազելով եկավ հսկիչը։ Երբ նա լսեց, որ ես Աստծուն եմ կանչում, զանգեց գաղութի պետի օգնականին ու նրանք որոշեցին, որ ես խելքս թոցրել եմ։ Այնքան գոռացի, որ ուժերս վերջացան, և ընկա գետնին։ Հետո հարևան խցից ցույց տվեցին, որ իմ ձեռքերի մատերն արյունոտ են։ Երևի ես այնքան ուժեղ էի բռնել վանդակաճաղերը, որ մաշկս պատռվել էր։

Եվ այսպես, իմ եղբայրնե՛ր ու քույրե՛ր, ես չիմանալով դիմեցի Աստծուն։ Աստված լսեց իմ խնդրանքը։ Ձկար սովորեցնող կամ քարոզիչ, Աստված Ինքն էր իմ ուսուցիչը, իմ հովիվն ու ինձ սիրողը։ Չկար մեկը, որ սովորեցներ, թե ինչպես պետք է աղոթել. Աստված Ինքը ինձ աղոթք տվեց։ Աստծուն պետք էին իմ անկեղծ խոսքերը, և ես խոսում էի Նրա հետ։ Ես չէի կարողանում ազատվել իմ անվայել բառապաշարից։ Եվ Աստված մաքրեց իմ շուրթերը։ Նա ինձ դաստիարակեց ու հոգևորապես աճեցրեց բանտային պայմաններում։

Երբ սկսվեց Վլադիմիր Կիսիլյովի «Քանտային եղբայրություն» ծառայությունը, Տերն ինձ թույլ տվեց մասնակցել այդ ծառայությանը։

Ինձ տեղափոխեցին համար 50 խուցը, որտեղ երեք բանտարկյալ կար։ Մենք գնում էինք աշխատանքի՝ ձեռնոցներ էինք կարում։ Նրանք սկզբում մտածում էին, որ ես ոչ ոքի չեմ հավատում, ընդամենը դերասանություն եմ անում։ Քայց Աստված շուտով նրանց ցույց տվեց, որ ես իրականում կենդանի Աստծուն եմ հավատում և միայն Նրան եմ ծառայում։ Եվ ահա, Աստված սկսեց կատարել Իր հրաշքները։ Սկզբում բանտարկյալներից մեկը դարձի եկավ ու Տիրոջն ընդունեց իր սրտում։ Որոշ ժամանակ անց դարձի եկավ նաև երկրորդը։

Ինձ հաշվառել էին որպես «փախուստի ենթակա», բայց հետո հանեցին այդ ցուցակից և 30 տարի բանտում գտնվելուց հետո առաջին անգամ տեսակցության իրավունք տվեցին։ Ես ավելի քան 37 տարի մեռած էի, բայց այժմ կենդանացա Տիրոջով։

Մերգեյ Մամոնտով 27.07.04թ., խուց համար 50

"Благая весть осужденным", N 1, 2004г.

świgwąnpóh nwpóp

📭 անգամ այցելուն ռադիոքարոգիչին պատմեց իր դարձի գալու պատմությունը։ Նա ասաց, որ սկզբում դատապարտված էր և բանտում անցկացրեց 5 տարի։ Բանտից դուրս գալուց Հետո ցանկացավ սկսել նորմալ կլանք, բայց նրա մոտ ոչինչ չստացվեց։ Նա կրկին հանցագործություն կատարեց ու նորից դատապարտվեց, բայց արդեն՝ 15 տարով։ Մի կիրակի նա խցում տեղական ռադիոյով քարոզ լսեց։ Քարոզիչն ասում էր. «Մենք երբեք չենք կարող մեր ուժերով փրկություն ձեռք բերել, ինչքան էլ որ ձգտենք այդ անել։ Փրկովժյուն հնարավոր է ձեռք բերել միայն Տեր Հիսուս Քրիստոսին Հավատալու միֆոցով»։ Այս քարոգից Հետո Նա որոչեց Հանդիպել բանտի կաԹոլիկ քահանալի հետ։ Բայց այդ գրույցը նրան ոչինչ չտվեց, քա-Նի որ քահանան սկսեց խոսել այն մասին, որ նա պետք է լավացնի իր պահվածքը։ Նա արդեն բազմիցս ձգտել էր այդ անել, բայց նրա մոտ ոչինչ չէր ստացվել, և այդ ճանապարհը նրան փակուղի էր տարել։

Դրանից հետո նա ոչ մի կերպ չէր կարողանում քնել ու վերջապես աղերսանքով բղավեց. «Տե՛ր Հիսուս, ես զդջում եմ իմ մեղքերի համար և խնդրում եմ, որ Դու դառնաս իմ Փրկիչն ու Տերը»։ Եվ ի՞նչ կատարվեց։ Նրա հոգին խաղաղովժյամբ լցվեց ու նա հասկացավ, որ Տերը ներել է իրեն, ու ինքը փրկովժյուն է ձեռք բերել։

Մեզնից ոչ ոք չի կարող փրկություն ձեռք բերել իր սեփական ուժերով։ Փրկության գինը շատ թանկ է` Հիսուսի արյունն է, և ոչ ոք չի կարող վճարել այդ գինը։ Միայն Հիսուս Քրիստոսի վրա եղած հավատքի միջոցով է հնարակոր ձեռք բերել Աստծու հետ խաղաղություն և հավիտենական կյանք։ «Իսկ ան որ չգործեր, բայց կը հաատոս, անոր որ ամբարիշտը կ'արդարացնէ, անոր հասարը իրեն արդարութիչն կը սեպուի» (Հրոմ. 4:5)։

ARTUET ARATUETT UETOEUATR PATTUETT UTOE

«Եթե Տերը չշինե տունը, զուր տեղ կաշխատին անոր շինողները. եթե Տերը չպահպանե քաղաքը, զուր տեղ կհսկեն պահապանները։ Պարապ բան է ձեզի համար կանուխ ելնելը և ուշ հանգչիլը ու ցավով հաց ուտելը։ Արդարև անիկա իր սիրելիին քուն կուտա։ Ահա տղաքը Տերոջը ժառանգությունն են. որովայնի պտուղը անոր պարգևն է։ Ինչպես են նետերը զորավորին ձեռքին մեջ, այնպես են երիտասարդներու տղաքը։ Երանի այն մարդուն, որ իր կապարձը անոնցմով լեցուց. երբ դռանը մեջ թշնամիներուն հետ խոսելու ըլլան, պիտի չամչնան»։

Մաղմոս 127

«Երանի՞ այն ամենուն, որոնք Տերոջմե կվախնան, ու անոր ճամբաներուն մեջ կքալեն։ Վասնզի քու ձեռքիդ աշխատությունը պիտի ուտես. երանի է քեզի ու քեզի բարի պիտի ըլլա։ Քու կինդ պտղաբեր որթի մը պես պիտի ըլլա քու տանդ ներսիդիերը, ու քու որդիներդ ձիթենիի տունկերու պես քու սեղանիդ չորս կողմը։ Ահա Տերոջմեն վախցող մարդը այսպես պիտի օրհնվի։ Տերը քեզ Սիոնե օրհնե, ու Երուսաղեմի բարությունը տեսնես քու կյանքիդ բոլոր օրերուն մեջ. Եվ քու որդվոցդ որդիները տեսնես։ Խաղաղություն ըլլա Իսրայելի վրա»։

Սաղմոս 128

Մյս խոսքերը գրված են 127 և 128 սաղմոսներում։ Այստեղ ընդամենը 11 խոսք է, բոլոր խոսքերն էլ փոխադարձաբար կապված են։ Փորձենք տեսնել, թե ինչի մասին է խոսվում այս սաղմոսներում։ Այստեղ դիտարկվում են չորս հիմնական փուլեր (ժամանակաշրջաններ), որոնցով անցնում է յուրաքանչյուր ստեղծվող ընտանիք։ Առաջին փուլը նկարագրում է ընտանիքի սկիզբը, հիմնադրումը՝ մինչև առաջին երեխայի ծնունդը։ Երկրորդ շրջանը (127:3-5) ընտանիքի աճն է և ընդարձակումը։ Երրորդ շրջանը (128:1-3) այն

ժամանակաշրջանն է, երբ ընտանիքում երեխաներին մեծացնում են, կրթում, դաստիարակում, սովորեցնում և, ի վերջո, ամուսնացնում։ Չորրորդ շրջանը (128:4-6) կարծես դարձյալ գալիս է սկզբնական վիճակին. ամուսիններն իրենց ծերության հասակում դարձյալ մնում են միայնակ։

Ընտանիքի առաջին շրջանում զույգի ամուսնությամբ դրվում է ընտանեկան կյանքի հիմքը. Աստված Իր ծրագրի համեմատ միավորում է զույգին։ Սա այն շրջանն է, երբ ամուսինները սովորում են նոր իրավիձակին, միմյանց ընտելանալու, միմյանց բնավորություններին և սովորություններին աստիճանաբար ծանոթանալու և հարմարվելու ընթացքին։ Սողոմոնը հետաքրքիր ձևով և իրեն տրված իմաստությամբ ընտանիքի հիմնադրումը համեմատում է քաղաքի կառուցման հետ։ «Եթե Տերը չշինե տունը, զուր տեղ կաշխատին անոր շինողները։ Եթե Տերը չպահպանե քաղաքը, զուր տեղ կհսկեն պահապանները» (Սաղմոս 127:1)։

Հրեաները քաղաքները կառուցում էին՝ շրջապատելով ամուր և բարձր պարիսպներով, որոնք քաղաքը պաշտպանում էին թշնամիների հարձակումներից։ Այդ պարիսպների վրա գիշեր-ցերեկ աչալուրջ հսկում էին պահապանները, որպեսզի ժամանակին զգուշացնեին թշնամու հնարավոր հարձակումների մասին։ Սակայն, եթե քաղաքի իշխանություններն ու հսկիչները հույսները դնում էին պարիսպների վրա և Աստծուն չէին ապավինում, ապա անգամ այդ բարձր պարիսպները և արթուն պահապանները չէին կարողանում պաշտպանել թշնամիներից։

Ընտանիքի հիմնադրման առաջին իսկ տարիներից պետք է հատուկ ուշադրություն դարձնել, որ ընտանիքի կյանքի կենտրոնում լինի Աստված։ Նորապսակները չպետք է բավարարվեն միայն եկեղեցու անդամ լինելով ու եկեղեցի հաճախելով։ Երբեմն պատահում է այնպես, որ նորապսակները շատ են մխրճվում առօրյա հոգսերի մեջ, նյութական բարիքների կուտակմանը ավելի են ժամանակ ու ջանքեր հատկացնում, քան Տիրոջ Խոսքին և աղոթքով Տիրոջ երեսը փնտրելուն։ Սաղմոսերգուի զգուշացումը այս իմաստով դա է նշանակում. «Եթե Տերը չշինե տունը...»։ Չափազանց կարևոր է ընտանեկան կյանքի ճիշտ սկիզբը. հետագա բոլոր տարիների արդյունքը կախված է դրանից։ Ինչպես ամեն ինչում, այնպես էլ այս դեպքում գործելու է «ինչ որ ցանես, այն էլ կինձես» սկզբունքը։

Ընտանեկան կյանքի երկրորդ շրջանը ընտանիքի աճն է։ «Ահա տղաքը Տերոջը ժառանգությունն են. որովայնի պտուղը անոր պարգևն է։ Ինչպես են նետերը զորավորին ձեռքին մեջ, այնպես են երիտասարդներու տղաքը։ Երանի այն մարդուն, որ իր կապարճը անոնցմով լեցուց...» (**Մաղմոս 127:3-5)**։

Այս տարիները լավ տարիներ են ընտանիքի կյանքում, լի են ուրախությունով, օրհնություններով, անակնկալներով, նաև փորձություններով։ Ավելանում են ընտանիքի հոգսերը։ Ընտանիքում ծնվում է առաջին երեխան, հետո՝ երկրորդը, ապա՝ երրորդը... Պատահում է, որ Աստված մեր սպասածից շատ երեխաներ է տալիս։ Տերը յուրաքանչյուր երեխայի համարում է շատ կարևոր՝ որպես Տիրոջ ժառանգություն, որպես պարգև։ Այդ պատճառով քրիստոնյա ծնողները պետք է ամեն մի աշխարհ եկող երեխայի սիրեն, գնահատեն նրան որպես անկրկնելի անհատականություն, որպես անմահ հոգի։

Երրորդ շրջան. քանի դեռ երեխաները փոքր են, չարն ու բարին դեռ չեն գիտակցում, նրանց հեշտ է ղեկավարելը, եթե նրանց մեծացնում են Shրոց Խոսքով։ Այս շրջանը շատ լուրջ և պատասխանատու շրջան է հատկապես ծնողների համար։ Քրիստոնյա ծնողը պետք է Աստծուց իմաստություն խնդրի երեխաների ճիշտ դաստիարակության և կրթության համար։ Պետք է Տիրոջով հաղթահարել ամեն մի դժվարություն ու նեղություն։ Երեխաները մեծանում են, սկսում են հաճախել դպրոց, դառնում են գրաճանաչ, աստիճանաբար ընդլայնվում է նրանց աշխարհընկալումը, իրերն ու երևույթներն սկսում

են դիտել իրենց տեսանկյունից, փորձում են ամեն ինչ հասկանալ և ընկալել։ Երեխաների մեջ գոյություն ունեցող մեղքի բնությունը սկսում է իր գործը՝ նրանց մղելով մեղքերի (սուտ խոսել, ծնողին խաբել, գողանալ, հետագայում ավելի մեծ մեղքեր՝ հայհոյանքներ, ծխել, խմել և այլն)։ Դժվարանում է քրիստոնյա ծնողների գործը։ Նրանցից շատ բան է կախված երեխաների ճիշտ ձևավորման ու որպես հավատքի մարդ կայացման գործում։

Ընտանեկան կյանքի չորրորդ շրջանը. երեխաները մեծացել են, և յուրաքանչյուրն ունի իր ընտանիքը։ Ծնողները մնում են երկուսով։ Կարծես գալիս է առաջին շրջանի վիճակը։ Եթե ծնողներն իրենց հավատքի տարիները ճիշտ են ապրել, Քրիստոսով են դաստիարակել իրենց երեխաներին, այժմ՝ ծերության հասակում, արդեն պետք է վայելեն իրենց աշխատության պտուղը. «....վասնզի քու ձեռքիդ աշխատությունը պիտի ուտես» (Մաղմոս 128:2)։ «Տերը քեզ Միոնե օրհնե, ու Երուսաղեմի բարությունը տեսնես քու կյանքիդ բոլոր օրերուն մեջ. Եվ քու որդվոցդ որդիները տեսնես։ Խաղաղություն ըլա Իսրայելի վրա» (Մաղմոս 128:5-6)։

Այն քրիստոնյա ընտանիքում, որտեղ իսկապես թագավորում է Աստված, կլինի օրհնություն, երջանկություն և խաղաղություն։

Թող օգնի մեզ Աստված՝ մեր ընտանիքներում ունենալու այսպիսի բարեհաջող ընթացք և ավարտին՝ օրհնություններ ու Տիրոջ ողորմությունները։ Ամեն։

Սիրելի՛ ընթերցողներ, խնդրում ենք Ձեր դիտողությունները, առաջարկություններն ու տպավորություններն ուղարկել խմբագրություն։
Մենք սիրով հաշվի կառնենք Ձեր արձագանքները։ **«Բարի լուր»** ամսաթերթը տարածվում է անվճար և տպագրվում է հոժարակամ նվիրատվությունների շնորհիվ։ Նվիրատվությունները կարող եք ուղարկել խմբագրություն։ **Հեռ.**՝ 093-532-526, 093-954-930, 055-954-930, 099-955-930